



Қазақстан халықтарының тілдері күніне арналған «Қазақшаң қалай, балақай?» байқауын өткізу туралы ЕРЕЖЕ

1. Жалпы ережелер

1.1. Осы Ереже меншік нысаны мен ведомстволық бағыныстылығына қарамастан мектепке дейінгі ұйымдар мен мектепалды сыныптар арасында Қазақстан халықтарының тілдері күніне арналған «Қазақшаң қалай, балақай?» байқауын (бұдан әрі – Байқау) ұйымдастыру тәртібі мен өткізу шарттарын белгілейді, мақсаты мен міндеттерін айқындайды.

1.2. Байқау ҚР ОАМ «Балаларды ерте дамыту институты» РММ (бұдан әрі – Институт) 2024 жылға арналған жоспарына сәйкес өткізіледі.

1.3. **Мақсаты:** мектеп жасына дейінгі балаларға қазақ тілін үйретудің озат тәжірибесі мен заманауи инновациялық әдістерін жинақтау және тарату.

1.4. Міндеттері:

- Мектепке дейінгі тәрбие мен оқытудың үлгілік бағдарлама мазмұнын іске асыру;

- коммуникативтік, танымдық, интеллектуалды, шығармашылық дағдыларын, зерттеу іс-әрекетін дамыту;

- түрлі балалар әрекетінде тәрбиеленушілердің ауызекі байланыстырып сөйлеуін дамыту;

- күні бойы режимдік сәттерде Үлгілік оқу бағдарламасында айқындалған сөздік минимумды үйретудің озат тәжірибесін ұсыну.

2. Байқауды ұйымдастыру тәртібі және өткізу шарттары

2.1. Байқауды ұйымдастырушылар – «Балаларды ерте дамыту институты» РММ-сі, облыстардың, республикалық маңызы бар қалалар мен астананың білім басқармалары, аудандық бөлімдер.

2.2. Байқаудың I және II кезеңдерін ұйымдастыру және өткізу үшін Ережеде облыстардың, республикалық маңызы бар қалалардың және астананың білім басқармаларының байланыс телефондары мен электрондық пошталарын көрсету қажет.

2.3. Байқау үш кезеңде өткізіледі:

I кезең – аудандық, қалалық;

II кезең – облыстық;

III кезең – республикалық деңгей.

2.4. Өңірлерде Байқау өткізу туралы хабарландыруды аудандардың, қалалардың білім бөлімдері, облыстардың және республикалық маңызы бар қалалардың және астананың Білім басқармалары бұқаралық ақпарат құралдарында, Интернет-ресурстарда Байқау басталғанға дейін күнтізбелік 30 (отыз) күн бұрын жариялайды.

2.5. Байқаудың барлық кезеңдерінде материалдарды бағалау үшін басшылардың бұйрығымен аудан, қала (облыстық, республикалық маңызы бар қала), облыс, республикалық маңызы бар қалалар және астана (құрамы кемінде 7 адам) деңгейінде өңірлік комиссия құрылады.

2.6. Байқау комиссиясы аудандық, қалалық бөлімнің, облыстың, республикалық маңызы бар қалалардың және астананың Білім басқармасының қызметкерлері, мектепке дейінгі ұйымдардың басшылары, білікті педагогтер, әдіскерлер, ата-аналар қоғамдастығының өкілдері, бұқаралық ақпарат құралдары және т. б. қатарынан құрылады.

2.7. Байқау комиссиясының мүшелері:

- лайықты үміткерлер болмаған жағдайда, жүлделі орындар бермеуге;
- техникалық ақауларға байланысты (қатысушы тарапынан) ашылмаған бейнематериалдарды қарамауға;
- ұзақтығы осы Ережеде белгіленген уақыттан асатын бейнематериалдарды қарамауға
- Ережеде көрсетілген мерзімнен (2.9. тармақ) кеш жіберілген бейнематериалдарды қарамауға құқылы.

2.8. Республикалық кезеңнің Байқау комиссиясының қарауына жолданатын материалдар тізімі:

- 1) Облыстық және республикалық маңызы бар қалалардың және астананың білім басқармаларының **ілеспе хаты**;
- 2) Байқауға қатысу үшін өтінім (осы Ереженің 1-қосымшасы)
- 3) қатысушылардың санын көрсете отырып, II кезеңнің қорытындысы бойынша Облыстық, республикалық маңызы бар қалалардың және астананың білім басқармалары комиссиясының **хаттамасы** (сканерленген көшірмесі);
- 4) ресімдеуге қойылатын талаптарға және бағалау өлшемшарттарына сәйкес келетін, ұзақтығы **5 минуттан** аспайтын бейнематериал.

2.9. Материалдар Қазақстан халықтарының тілдері күніне арналған «Қазақшаң қалай, балақай?» байқауының атауымен **2024 жылғы «15» қыркүйектен** кешіктірілмей Институттың i-rrd2021@mail.ru электрондық поштасына жіберіледі. Көрсетілген мерзімнен кеш түскен материалдар қаралмайды, сондай-ақ қайтарылмайды.

3. Байқау қатысушыларына қойылатын талаптар және шарттары.

3.1. Байқаудың I кезеңіне (республикалық) I-орын жеңімпазы (1 жұмыс) жіберіледі.

3.2. Байқауға балалардың жасына сәйкес іс-шаралардан төмендегідей үзінділер ұсыну қажет:

- тәрбиеші мен педагогтің мемлекеттік тілді оқыту бойынша күні бойы ойын түрінде ұйымдастырған балалар іс-әрекетінің түрлері (ойын, зерттеу, еңбек, шығармашылық, театрландырылған іс-шаралар, кітап оқу, оның мазмұнын қайталау және т. б.);

- балалардың жасына сәйкес Қазақстан халқының Тілдері күніне арналған іс-шаралар (мақал-мәтелдер, жұмбақтар, айтыс байқаулары, ертеңгіліктер және т.б.).

3.3. Материалды ұсына отырып, қатысушы:

- жеке деректерін пайдалануға және материалдарды сайтта, баспа басылымдарында, Интернет және басқа бұқаралық ақпарат көздерінде орналастыруға;

- материалдарды тегін пайдалануға, шығармашылық жобаларға қосуға келісім береді.

3.4. Өтінім болашақта Байқауға қатысушылардың осы Ереженің шарттарын толық қабылдайтындығының, Байқау өткізу шеңберінде дербес деректерді өңдеуге келісім беретіндігінің дәлелі болып табылады.

4. Бағалау критерийлері

4.1. Орындау деңгейі 5 балдық жүйе бойынша келесі критерийлер бойынша бағаланады:

- таңдалған материалдың Байқау тақырыбына сәйкестігі;
- таңдалған материалдың қатысушының жасына сәйкестігі;
- бейне сапасы.

5. Бейнематериалға қойылатын талаптар

5.1. Байқау бейнежазбасы келесі талаптарға сай болуға тиіс:

- түсірілім сапалы, бейнекамераны өшірмей және тоқтатпай (нөмірдің басынан аяғына дейін) орындалуы тиіс;
- бейнежазба MPEG-4 форматында қабылданады;
- әрбір файлдың көлемі 300 Мб артық емес;
- бейне файлдарда қатысушылар туралы ақпарат болуы керек (аты-жөні, жасы, мектепке дейінгі ұйымның атауы).

6. Қорытынды шығару, жеңімпаздарды марапаттау

- I орын;
- II орын;
- III орын.

Номинациялар:

- «Үздік ұйымдастырылған балалар әрекеті»;
- «Үздік мерекелік іс-шара».

6.1. Байқау жеңімпаздары Институттың дипломдарымен, алғыс хаттарымен марапатталады.

6.2. «Қазақшаң қалай, балақай?» байқауының қорытындысы мен жеңімпаздардың байқауға ұсынған материалдары Институттың www.irrd.kz сайтында және әлеуметтік желілерде жарияланады.

Анықтама телефоны: 8 (7172) 28-09-50

**Қазақстан халқының Тілдері күні қарсаңында
«Қазақшаң қалай, балақай?» атты байқауға қатысу үшін**

_____ облысынан (қала)

Өтінім

МДҰ-ның толық атауы (МДҰ Жарғысына сәйкес)	Жауапты педагогтің аты-жөні	Балалардың жасы	Номинация түрлері			Номинациялар бойынша бейнематериалдар орналастырылған YouTube платформасындағы сілтеме
			ұйымдастырылған балалар әрекеті	МДҰ және ата-аналармен бірлескен әрекет	Тілдер күніне арналған мереке	